

續日本紀卷第二十七

起天平神護三年正月盡十二月

右大臣從二位兼行皇太子傳中衛大將臣藤原朝臣繼經等奉勅撰

高野天皇

二年春正月甲子詔曰今

勅久掛畏淡海乃

大津宮天下所知之

天皇我御世奉

侍未之藤原大臣復後乃藤原大臣賜天在留

志乃比已止乃書勅天在之子孫乃淨光明伎

心乎以天朝廷奉侍必治賜其繼方



絕不賜止勅天在我故余今藤原末手朝臣余

右大臣之官授賜止勅後天皇御命平諸聞食止

宣以大納言從二位藤原朝臣末手為右大臣

中納言正三位諱藤原朝臣真楯並為大納言

參議正三位吉備朝臣真備為中納言左大辨

從四位上石上朝臣宅嗣為參議○庚午正六

位上伊吉連真次獻錢百萬授外從五位下○

癸酉幸右大臣第授正二位其室正五位上大

野朝臣仲智從四位下○丁丑授從五位下息

長丹生真人大國從五位上外從五位下葛井

連道依從五位下○巳卯授外正六位上桑原

毗登安麻呂外從五位下○二月庚寅外從八

位下橘戶高志麻呂獻錢百萬授外從五位下

○甲午授正六位上白猪與呂志及從五位下

入唐學問僧普照之母也○巳亥授從四位下

道嶋宿祢嶋足正四位下○壬寅授從五位上

藤原朝臣是公從四位下外正六位上山背忌
寸諸上外從五位下○甲午勅夫蓄貯者爲
國之本宜令募運近江國近郡稻穀五萬斛貯
納於松原倉白丁運五百斛叙一階每加三百
五十斛進一階有位每二百斛加叙一階並勿
過正六位上○丁未命婦外從五位下水海毗
登清成等五人賜姓水海連賜從三位山村王
功田五十町從四位上日下部宿禰子麻呂從

四位下坂上大忌寸新田麻呂佐伯宿禰伊多
知正五位上淡海真人三船從五位上佐伯宿
禰三野五人各二十町從五位下紀朝臣船守
外從五位下民忌寸タニノイミチ總麻呂二人各八町並傳
其子○癸丑右京人從六位下私真綱河內國
人少初位上私吉備人等六人賜姓會賀臣○
乙卯左京人從八位下桑原連真嶋右京人外
從五位下桑原村主足床大和國人少初位上

桑原村主岡麻呂等四十人賜姓桑原公。三
月戊午伊豫國人從七位上奏毗登淨足等十
一人賜姓阿陪小殿朝臣淨足自言難破長
柄朝廷遣大山上安倍小殿小鎌於伊豫國令
採朱砂小鎌便娶秦首之女生子伊豫麻呂伊
豫麻呂不尋父祖偏依母姓淨足即其後也。
丁卯大納言正三位藤原朝臣真楯薨於平城
朝贈正一位太政大臣房前之第三子也真楯

度量弘深有公輔之才起家春宮大進稍遷至
正五位下式部大輔兼左衛門督在官公廉慮
不及私感神聖武皇帝寵遇特渥詔特令參奏
宣吐納明敏有譽於時從兄仲滿心害其能真
楯知之林病家居頗耽書籍天平末出爲大和
守勝寶初授從四位下拜參議累遷信部卿兼
大宰帥于時渤海使楊承慶朝禮云畢欲歸本
蕃真楯設宴錢焉承慶甚稱歎之寶字四年授

續日本紀卷九十七
四
從三位更賜名真楠本名八束八年至正三位
勲二等兼授力大將神護二年拜大納言兼式
部卿薨時年五十二賜以大臣之葬使民部卿
正四位下兼勅旨大輔侍從勲三等藤原朝臣
繩麻呂右少辨從五位上大伴宿祢伯麻呂吊
之是日以中納言正三位吉備朝臣真備為大
納言○壬申右京人正七位上昆河守賜姓椎
野連從七位上科野石弓石橋連大初位上友

母未吉足等五人城篠連○乙亥左京人從七
位下春日藏毗登常麻呂等二十七人賜姓春
日朝臣○辛巳從五位下佐伯宿祢助為山背
介近衛將監從五位下賀茂朝臣諸雄為兼伊
勢貞外介左衛門佐外從五位下民忌寸總麻
呂為兼參河掾外從五位下高屋連並木為遠
江大掾從五位下巨勢朝臣公成為武藏守從
五位下大野朝臣真本為下總介參議民部卿

續百代紅卷第... 五
正四位下勅旨大轉侍從藤原朝臣繩麻呂爲
兼近江守從五位下太朝臣犬養爲介勅旨少
丞從五位下葛井連道依爲兼負外介從五位
下百濟王利善爲飛驒守外正五位下大原連
家主爲但馬負外介從五位上海上真人清水
爲豐前守○し西左京人正五位下中臣丸連
張弓等二十六人賜姓朝臣○夏四月壬辰太
宰府言防賊戍邊本資東國之軍持衆宣威非

是築紫之兵今割筑前等六國兵士以爲防人
以其所遺分番上下人非勇健防守難濟望請
東國防人依舊配戍勅修理陸奥城柵多與東
國力役事須彼此通融各得其宜今聞東國防
人多留筑紫宜加檢括且以配戍即隨其數簡
却六國所默防人具狀奏來計其所欠差默東
人以填三千斯乃東國勞輕西邊兵足○丙申
奉八幡比咩神封六百戶以神願也淡路石見

二國飢賑給之○己亥和泉國飢賑給之○甲辰伊豫國神野郡伊曾乃神越智郡大山積神並授從四位下充神戶各五烟久米郡伊豫神野間郡野間神並授從五位下神戶各二烟○丁未勅比日之間緣有所念歸依三寶行道懺悔從罪解網先聖仁迹莫施恩怒盡洗瑕穢宜可大赦天下自天平神護二年四月二十八日昧爽已前大辟已下罪無輕重已發覺未發覺

已結正未結正繫囚見徒私鑄錢及八扈受財枉法監臨自盜盜所監臨強盜竊盜常赦所不免者咸悉赦除但先後逆黨不在赦原普告天下知朕意焉攝津國人正七位下甘尾雪麻呂賜姓并於連○甲寅有一男子自稱聖武皇帝之皇子石上朝臣志斐弓之所生也勘問果是誣囚詔配遠流大和國人高善毗登久美咩等十七人被諸陵寮冤枉沒為陵戶至是披訴

得雪除陵戶籍等○五月丁巳授正五位下津
連秋主從四位下始令七道諸國采女養物不
論存亡並令納采女司○戊午大納言正三位
吉備朝臣真備奏樹二柱於中壬生門西其一
題曰凡被官司抑屈者宜至此下申訴其一曰
百姓有冤枉者宜至此下申訴並令彈正臺受
其訴狀○壬戌在上野國新羅人子午足等一
百九十三人賜姓吉井連○癸亥主殿助從五

位下下道臣色夫多賜姓朝臣○甲子以從五
位下百濟王三忠爲民部少輔從五位下百濟
王文鏡爲出羽守從五位下坂上忌寸右楯爲
介從五位上佐伯宿禰美濃麻呂爲能登負外
介○乙丑太政官奏曰准令諸國史生博士醫
師國無大小一立定數但據神龜五年八月九
日格史生之負隨國大小各有等差其博士者
揔三四國一人醫師者每國一人今經術之道

成業者寡空設職負擢取之人繕寫之才堪任者衆人多官少莫能通用朝議平章博士揔國一依前格醫師兼任更建新例職田事力公廩之類並給正國不給兼處有料之國名爲正任無料之國名爲兼任其史生者博士醫師兼任之國國別格外加置二人庶令經術之士周遍宣揚切勞之人普蒙霑潤奏可○辛未奉幣帛於大和國丹生川上神及五畿內羣神以祈澍

雨也○甲戌上野國甘樂郡人外大初位下磯部牛麻呂等四人賜姓物部公○丙子大和國人從七位下寺間臣大虫等四人賜姓大屋朝臣○丁丑太政官奏曰備前國守從五位上石川朝臣名足等解備藤野郡者地是薄瘠人尤貧寒差科公役觸途念劇承山陽之驛路使命不絕帶西海之達道迎送相尋馬疲人苦交不存濟加以頻遭旱疫戶纔三卿人少役繁何能

支辨伏乞割邑又郡香登卿赤坂郡珂磨佐伯
二卿上道郡物理肩背沙石三卿隸藤野郡又
美作國守從五位上巨勢朝臣淨成等解備勝
田郡塩田村百姓遠關治郡側近他界差科供
承極有艱辛望請隨所住處便隸備前國藤野
郡者奏可○六月乙酉朔授正六位上中臣習
宜朝臣阿曾麻呂從五位下○丁亥日向大隅
薩摩三國大風桑麻損盡詔勿收柵戶調庸○

己丑大隅國神造新嶋震動不息以故民多流
亡仍加賑恤○乙未河內國飢賑給之○丙申
勅去二月二十日令募運近江國近郡稻穀五
萬斛貯納於松原倉其酬叙法者下勅既畢而
經旬月未見一人運送誠是階級有畢人情不
勸宜運滿一萬斛者超授外從五位下○丁酉
丹波國人家郡人足以私物資養飢民五十七
人賜爵二級○庚戌勅如聞左右京及大和

國天平神護元年田租未全輸了誠為額年不
登百姓之絕宜除輸了外悉原免○壬子刑部
卿從三位百濟王敬福薨其先者出自百濟國
義慈王高市岡本宮馭宇ニテ天皇御世義慈王
遣其子豐璋王及禪廣王入侍泊于後岡本
朝廷義慈王兵敗降唐其臣佐平福信尅復社
稷遠迎豐璋紹興絕統豐璋纂基之後以譖橫
殺福信唐兵聞之復攻刈柔豐璋與我救兵拒

乏救軍不利豐璋駕船遁于高麗禪廣困不歸
國ハ藤原朝廷賜号曰百濟王卒贈正廣參子
百濟王昌成每年隨父歸朝先父而卒ニテ飛鳥
淨御原御世贈小紫子即虞ナラノ奈良朝廷從四
位下攝津高敬福者即其第三子也放縱不拘
頗好酒色感神聖武皇帝殊加寵遇恩賜優
厚時有士庶來告清貧每假他物望外與之由
是頻歷外任家無餘財然性了辨有政事之量

天平年中仕至從五位上陸奧守時。聖武皇帝造廬舍那銅像治鑄云畢塗金不足而陸奧國馳驛貢小田郡所出黃金九百兩我國家黃金從此始出焉。聖武皇帝甚以嘉尚授從二位遷宮內卿俄加河內守勝寶四年拜常陸守遷右大辨頻歷出雲讚岐伊豫等國守神護初任刑部卿薨時年六十九。○秋七月乙丑以中律師圓興爲大僧都。○乙亥出雲國按察使從

三位文室真人大市外衛大將兼丹波守從四位下藤原朝臣田麻呂右大辨兼越前守從四位下藤原朝臣繼繩並爲參議授從五位下營生王從五位上正六位上石川朝臣真守從五位下爲近江介從五位下太朝臣犬養爲信濃守從五位下國見真人安曇爲越中介從五位下賀茂朝臣淨名爲紀伊守。○丙子遣使造大六佛像於伊勢大神寺。○己卯近江國志賀團

續日本紀卷九
大貳少初位上建部公伊賀麻呂賜姓朝臣散
位從七位上昆解官成得似白鐵者以獻言曰
是丹波國天田郡華浪山所出也和鑄諸器不
弱唐錫因呈以真白鐵所鑄之鏡其後授以外
從五位下復興役採之單功數百得十餘片或
曰是似鉛非鉛未知所名時召諸鑄工與官成
雜而鍊之官成途窮無所施竊然以其似白鐵
因爭不肯伏寶龜八年入唐准判官羽栗巨翼

賚之以示揚列鑄工僉曰是鈍隱也此間私鑄
監錢者時或用之○庚辰詔賜三衛衛士諸司
直丁置本司而經二十年已上者爵人一級多
糲嶋飢賑給之○八月壬寅授從五位上石川
朝臣名足正五位下○己巳散事從三位神社
女王薨○庚戌左京人從五位上桑內連乙虫
女等三人賜姓桑內朝臣○九月戊午勅比
見伊勢美濃等國奏爲風被損官舍數多非但

殿類亦亡人命昔不問焉先達深仁今以傷入
朕甚悽歎如聞國司等朝姿未稱私利早著倉
庫懸磬稻穀爛紅已息暫勞未逸之心遂致雀
鼠風雨之恤良宰莅職豈如此乎自今以後未
芟斯弊且令諸國具錄歲中修理官舍之數付
朝集使每年奏聞國分二寺亦宜准此不得假
事神異驚人耳目○己未賜助官軍近江國僧
沙弥及錦部蒿園二寺檀越諸寺奴等物各有

差山背國人堅井公三立等十人賜姓諸井
公○丙寅伊豫國人六直足山私稻七萬七千
八百束鋤二千四百四十口墾田十町獻當國
國分寺授其男外少初位下氏山外從五位下
○丁卯從五位下佐伯宿祢家繼爲防人正○
庚午志摩國飢賑給之○壬申授從六位下息
長真人淨繼外從五位下修行進守大禪師基
真正五位上攝津國武庫郡大領從六位上日

下部宿祢淨方獻錢百方摺搏一千枚授外從五位下○丙子以從四位下阿倍朝臣毛人為五畿內巡察使從五位下紀朝臣廣名為東海道使正五位上淡海真人三船為東山道使從五位上豐野真人出雲為北陸道使從五位上安倍朝臣御縣為山陰道使正五位下藤原朝臣雄田麻呂為山陽道使從五位下高向朝臣家主為南海道使採訪百姓疾苦判斷前後交

替之訟并檢項取損得其西海道使者便令大宰府勘檢○冬十月癸未朔日有蝕之○甲申授無位大神朝臣田麻呂外從五位下為豐後外掾田麻呂者本是八幡大神宮祢宜大神朝臣毛理賣時授以五位任神官司及毛理賣詐覺俱遷日向至是復本位○乙酉授無位笠朝臣始從五位下○丙戌外外國司赴任者一切禁之○丁亥左京人從八位上壹難山麻呂

賜姓淨上連 ○庚寅正五位上大伴宿祢御依
為出雲守 ○辛丑授正四位下藤原朝臣繩麻
呂正四位上從四位下藤原朝臣是公從四位
上從五位下葛井連道依從五位上正六位上
弓削御淨朝臣塩麻呂從五位下河内國人大
初位下毗登戶東人等九十四人賜姓高安造
○壬寅奉請脇寺毗沙門像所現舍利於法華
寺簡點氏氏年高然有容貌者五位已上二十

三人六位已下一百七十七人捧持種種幡蓋
行列前後其所著衣服金銀朱紫者恣聽之詔
百官主典已上禮拜 詔曰今勅久無上岐佛乃
禪法波至誠心乎以天拜尊備獻礼波心異音
驗乎阿良授賜物尔伊末志家然今示現賜弊
如來乃尊岐大御舍利波常奉見余利波大御
色毛光照天甚美之大御形毛圓滿天别好久
大未之未特尔久須之久奇事乎思議許止極
泄波

難之是以意中余晝毛夜毛倦怠止無又謹表

禮未仕奉都侍利是實余化能大御身波縁余

隨天度導賜余波時乎不過行余相應天慈備

救賜止云言余在良之止念須猶之法乎興隆之

之牟流人余依天繼比呂物余在故諸乃大法余

師等乎比岐為天上止伊麻須太政大臣禪師乃

如理又勸行波之教導賜余依天如此又奇又

尊岐驗波顯賜弊然此乃尊又宇禮志岐事乎

朕獨乃味喜止念天太政大臣朕余太師余法

王乃位授未都良勅天皇御命乎諸聞食止

宣復勅又此乃世間乃位乎樂求多事波都天

無一道余志天菩薩乃行乎修此人乎度導止

云余心波定天伊末須可又波阿禮毛猶朕我敬之

報未津和佐止之夫此乃位冠乎授未津良勅之

天皇我御命乎諸聞食止宣次余諸大法師可

中仁毛此二禪師等伊同心乎以天相從道乎

志天世間乃位冠波乎不樂伊末佐倍止毛猶不止

得止天圓興禪師分法臣位授末都基真禪師分

法參議木律師止之冠波正四位上乎授氣復天

物部淨之乃朝臣止云姓乎授末津勅天皇我

御命乎諸聞食止宣復勅久此寺方朕外祖父

先乃太政大臣藤原大臣之家仁在今其家之

名乎繼天明仁淨伎心乎以天朝廷乎奉助理

仕奉流右大臣藤原朝臣遠左大臣乃位授賜北

治賜復吉備朝臣波朕我太子等坐之時余利

師止之教悟家多乃年歷奴今方身毛不敢阿

良物乎夜晝不退之護助奉侍乎見波可カ多ク自レ

氣奈弥奈念須然人止之恩乎不知恩乎不報合

波奴乎聖乃御法仁禁給幣物仁在是以天吉備

朝臣仁右大臣之位授賜止勅布天皇我御命乎

諸聞食止宣授參議從三位弓削御淨朝臣淨

人正三位為中納言正四位下道嶋宿祢嶋足八

正四位上○癸卯勅去六月爲有所思發菩提心歸無上道因有靈示緘器度候遂則舍利三粒見於緘器數月感歎莫識所爲朕聞麟鳳五靈王者嘉瑞至德之世史不絕書未見全身舍利如是顯形有感必通良有以也朕以虛薄兢懼歷年撫育班方氷谷在場豈念至道凝寂應微情而示真圓性湛然結靈光而表質孤園絕跡久矣驚心雙林挽容爛然滿目玄珪綠字

何以同年西法東流知在茲日猥荷希世之靈寶蓋同衆庶之歡心宜可文武百官六位已下及内外有位加階一級但正六位上者迴授一子其五位已上子孫年二十已上者亦叙當蔭之階普告遐迩知朕意焉授從五位下李忌寸元環從五位上正六位上袁晉卿從六位上皇甫東朝皇甫昇女並從五位下以舍利之會奏唐樂也○乙巳詔法王月料准供御法臣太

僧都第一修行進守大禪師圓興准大納言法
參議大律師修行進守大禪師正四位上基真
准參議○丁未授從四位上石上朝臣宅嗣正
四位下備前國人外少初位下三財部毗登方
麻呂等九煙賜姓笠臣○十一月丁巳正四位
上藤原朝臣宿奈麻呂正四位下藤原朝臣魚
名並授從三位從五位下諱從五位上無位山
邊玉石城王若江王從五位下正五位上安倍

朝臣息長正五位下多治比真人土作並從四
位下從五位上大伴宿祢伯麻呂正五位下從
五位下大原真人嗣麻呂百濟王理伯並從五
位上正六位上田口朝臣安麻呂清原真人清
真息長真人道足栗田朝臣鷹守輔治能真人
清麻呂從六位上藤原朝臣種繼並從五位下
正六位上中臣伊勢朝臣子老外從五位下無
位小治田女王正六位上伴田朝臣仲刀自從

六位下平群朝臣真繼大神朝臣東方無位巨
勢朝臣巨勢野小野朝臣田刀自並從五位下
從六位下平野阿佐美從七位上八坂造吉日
並外從五位下○己未以陸奥國磐城宮城二
郡稻穀一萬六千四百餘斛賑給貧民○壬戌
贈正六位上村國連嶋主從五位下嶋主者壬
申年功臣贈外小紫男依之孫也始仕仲滿任
美濃少掾寶字八年遣使固關嶋主內應先歸

朝廷勅使以其初逆黨橫加誅戮死非其事故
有此贈授從六位下美努連財女外從五位下
○十一月乙酉和泉國人外從五位下高志毗
登若子麻呂等五十三人賜姓高志連○癸巳
幸西大寺無位清原王氣多王梶嶋王乙訓王
並授從五位下從四位下藤原朝臣田麻呂從
四位上正五位下大伴宿祢伯麻呂正五位上
從五位上豐野真人出雲正五位下從五位下

續日本紀卷廿七
豐野真人奄智從五位上正六位上豐野真人
五十戶從五位下從五位下多治比真人若日
女正五位下外從五位下檜前部老刀自外從
五位上○丁酉大和國人正八位下秦勝古麻
呂等呂等四人賜姓秦忌寸○巳亥從五位下
漆部直伊波爲大和介○壬寅因幡國博士少
初位上春日戶村主人足獻錢百方因幡國稻
一萬束授其父從六位下大田外從五位下人

足從六位下○癸卯外從五位下中臣伊勢連
大津賜姓伊勢朝臣○丙午復無位村國連虫
麻呂本位外從五位下○戊申右京人正七位
下清野造牛養等十二人賜姓清野朝臣授正
五位下多可連淨日女從四位下○巳酉震太
安寺東塔○庚戌美作國人從八位下白猪臣
大足賜姓大庭臣○辛亥陸奧國人正六位上
名取公龍麻呂賜姓名取朝臣是年民私鑄錢

者先後相尋配鑄錢司駢役並皆著鈴於其鈇以備逃走聽鳴追捕焉

續日本紀卷第二十七終

神皇正統本紀卷第二十七終
大觀二年癸卯春正月己未勅畿內七道諸國
高野天皇

續日本紀卷第二十八

起神護景雲元年正月盡十二月

右大臣從二位兼行皇太子傳中衛大將臣藤原朝臣繼繩等奉勅撰

高野天皇

神護景雲元年春正月己未勅畿內七道諸國

丁七日間各於國分金光明寺行吉祥天悔過

之法因此功德天下太平風雨順時五穀成熟

兆民快樂十方有情同霑此福○己未尚膳從

三位小長谷女王薨三品忍壁親王之女也○

續日本紀卷九十八
己巳御東院詔曰今見諸王年老者衆其中或
勤勞可優或朕情所憐故隨其狀並賜爵級宣
告衆諸令知此意焉無位依智王篠嶋王廣河
王淨水王名方王調使王飯野王鴨王壹志濃
王田中王八上王津守王名草王齊階王中村
王池原王積殖王高倉王磯部王長尾王淨名
王並授從五位下從五位上百濟王理伯正五
位上外正五位下大原連家主外從五位下池

原公求守正六位上弓削御淨朝臣廣方大野
朝臣石本文屋真人忍坂麻呂三嶋真人嶋麻
呂藤原朝臣雄依藤原朝臣長道石川朝臣真
人石川朝臣名繼石上朝臣真足大原真人年
繼石川朝臣人麻呂巨勢朝臣苗麻呂當麻真
人求嗣從六位上安倍朝臣草麻呂正六位上
佐伯宿禰家主川邊朝臣東人吉備朝臣直事
笠朝臣乙麻呂並從五位下正六位上林連雜

物船連庭足堅部使主人主從六位上昆解沙
弥麻呂正六位上高屋連赤麻呂秦忌寸ハタケイミチ兼守
品治部公嶋麻呂難破連足人並外從五位下
從四位下藤原朝臣家子正四位下○庚午無
位廣田王三笠王神王並授從五位下從五位
下大伴宿祢益立正五位下從五位下多治比
真人小耳從五位上正六位上中臣朝臣子老
巨勢朝臣池長石川朝臣清麻呂上毛野朝臣

稻人榎井朝臣祖足阿倍朝臣小東人從六位
上大春日朝臣五百世大宅朝臣廣人並從五
位下正六位上土師宿祢位土師宿祢田使並
外從五位下○癸酉授正六位上阿倍小殿朝
臣人麻呂從五位下復無位上毛野公真人本
位外從五位下正六位上土部木甲真高從七
位下丹比宿祢真嗣並從五位下○己卯尾張
國飢賑給之○二月甲申幸東大寺授正五位

續日本紀卷九十八
下國中連公麻呂從四位下從五位下佐伯宿
柀真守從五位上外從五位下美努連奧麻呂
桑原公足床並外從五位上造寺工正六位上
猪名部百世外從五位下○丁亥幸大學釋奠
座主直講從八位下麻田連直淨授從六位下
音博士フシハカセ從五位下表晉鄉從五位上問者大學
少允從六位上濃宜公水通外從五位下替引
及博士弟子十七人賜爵人一級○戊子幸山

階寺奏林邑及吳樂奴婢五人賜爵有差○辛
卯淡路國類早之種稻轉播磨國加古印南等
郡稻四方束出舉百姓左京人正六位上大伴
大田連沙弥麻呂賜姓宿柀○甲午幸東院出
雲國造外從六位下出雲臣益方奏神事仍授
益方外從五位下自餘祝部等叙位賜物有差
○丙午淡路國飢賑給之○丁酉山背國飢賑
給之○庚子伊豫國越智郡大領外正七位下

越智直飛鳥麻呂獻純二百三十疋錢一千二百貫授外從五位下○壬寅和泉國五穀不登民無種稻轉讚岐國稻四方餘束以充種子○癸卯賜左右大臣近江國穀各二千斛○丁未近衛將監從五位下吉備朝臣泉爲兼太學外助從五位下吉備朝臣真事爲鑄錢外次官○戊申從四位下阿倍朝臣毛人爲大藏卿從五位下藤原朝臣乙繩爲大輔從五位上奈

貴王爲太膳大夫侍從正親正如故從五位下石川朝臣入麻呂爲彈正少弼從四位下佐伯宿祢今毛人爲造西大寺長官右少辨正五位上大伴宿祢伯麻呂爲兼次官左少辨侍從内匠頭武藏介正五位下藤原朝臣雄田麻呂爲兼右兵衛督從四位下藤原朝臣楓麻呂爲大宰大貳○三月庚戌朔日有蝕之○辛亥幸元興寺捨綿八千屯商布一千段賜奴婢爵有

差○壬子幸西大寺法院令文士賦曲水賜五位已上及文士禄○乙卯左京人正六位上上毛野坂本公男嶋上野國雄水郡人外從八位下上毛野坂本公黑益賜姓上毛野坂本朝臣同國佐位郡人外從五位上檜前君老刀自上野佐位朝臣○戊午幸大安寺授造寺大士正六位上輕間連鳥麻呂外從五位下○癸亥幸藥師寺捨調綿一万余段賜長上

以下奴婢已上二十六人爵各有差放奴息麻呂賜姓殖粟連婢清賣賜姓忍坂常陸國筑波郡人從五位下壬生連小家主賜姓宿祢○乙丑阿波國坂野名方阿波等三郡百姓言曰已等姓庚午年籍被記凡直唯籍皆著費字自此之後許督凡直麻呂等披陳朝廷改爲栗凡直姓已畢天平寶字二年編籍之日追注凡費情所不安於是改爲栗凡直○丙寅勅近衛將

曹從六位下勳六等間人直足人等十九人感
會風雲奮徽忠勇超羣拔衆斬寇滅凶朕以嘉
其武節賞此高勳宜令美報光榮容儀標異自
今以後諸勳六等已上身有七位而帶職事者
許執牙笏并用銀裝刀帶等及元日等節著當
階色○己巳從五位下巨勢朝臣苗麻呂爲少
納言從四位下阿倍朝臣息道爲中務大輔侍
從如故從五位下石川朝臣清麻呂爲少輔從

五位下賀茂朝臣大川爲大監物從五位下文
屋真人忍坂麻呂爲右大舍人頭從五位下石
上朝臣真足爲內匠助從五位下栗田臣公足
爲負外助從五位下淨原王爲內禮正從五位
下紀朝臣廣名爲式部大輔從五位下藤原朝
臣小黑麻呂爲少輔從五位下皇甫東朝爲雅
樂負外助兼花苑司正五位上淡路真人三舩
爲兵部大輔從五位下百濟王三忠爲少輔從

五位下榎井朝臣祖足爲木工助外從五位下
津連真麻呂爲攝津太進從五位上佐伯宿祢
三野爲下野守從五位下縣犬養大宿祢內麻
呂爲介外從五位下利波臣志留志爲越中負
外介從五位下阿倍朝臣許智爲丹波介從五
位下紀朝臣古佐美爲丹後守從三位藤原朝
臣藏下麻呂爲伊豫土左二國按察使近衛太
將左京大夫如故從五位下藤原朝臣雄依爲

右衛士督從五位下田口朝臣安麻呂爲佐始
置法王宮職以造宮卿但馬守從三位高麗朝
臣福信爲兼大夫外記遠江守從四位下高丘
富連比良麻呂爲兼亮勅旨太丞從五位上葛
井連道依爲兼太進少進一人大屬一人少屬
二人授外從五位下利波臣志留志從五位上
以墾田一百町獻於東大寺也○庚午左京人
從七位上前部虫麻呂賜姓廣篠連○乙亥常

陸國新治郡大領外從六位上新治直子公獻
錢二千貫商布一千段授外正五位下○丙子
河內國古市郡人從四位下高丘連比良麻呂
賜姓宿祢○夏四月辛巳始授諸王四世者正
六位上五世者從六位下其朝服用纁色○癸
巳東院玉殿新成羣臣畢命其殿尊以琉璃之
瓦畫以藻纁之文時人謂之玉宮伊勢國多氣
郡人外正七位下敢磯部忍國獻錢百方絹五

百疋緇一方束授外正五位下○庚子放鹿嶋
神賤男八十人女七十五人從良○癸卯勅
夫農者天下之本也吏者民之父母也勸課農
桑令有常制比來諸國頻年不登匪唯天道乖
且抑亦人事怠慢且令天下勤事農桑仍擇差
國司恪勤尤異者一人并郡司及民中良謹有
誠者郡別一人專當其事錄名申上先以肅敬
禱祝境內有驗神祇次以存心勸課部下百姓

產業若其所祈有應所催見益則專當之人別
加褒賞○乙巳幸飽浪宮賜法隆寺奴婢二十
七人爵各有差○丁未至自飽浪宮○戊申長
門國豐浦團毅外正七位上額田部直塞守獻
錢百萬稻一萬束授外從五位上任豐浦郡大
領○五月壬子貸畿内百姓不得種田者搆津
國穀○壬戌以從五位下三嶋真人嶋麻呂爲
大膳負外亮從五位下乙訓王爲正親正○戊

辰先是左京人從八位上荒木臣道麻呂及其
男無位又國墾田一百町稻一萬二千五百束
庄三區近江國人外正七位上大友村主人主
稻一萬束墾田十町獻於西大寺至是道麻呂
身死贈外從五位下又國人主並授外從五位
下尾張國海部郡政外正八位下刑部岡足獻
當國國分寺米一千斛授外從五位下○癸酉
從五位下笠朝臣乙麻呂爲內藏助從五位下

安倍朝臣小東人爲鼓吹正外從五位下秦忌
寸裴守爲縫部正外從五位下難破連足人爲
主殿助從五位下氣太王爲鍛冶正從五位下
下道朝臣色夫多爲備後介○戊寅授外從五
位下葛井連根主外正五位下○六月辛巳伊
豫國人白丁越智直國益授外從五位下以獻
物也○癸未勅東山道巡察使正五位上行兵
部大輔兼侍從勳三等淡海真人三船稟性聰

惠兼明文史應選標舉銜命巡察諸使向道之
時受事維一有省還報之日政路漸異存心名
達檢括酷苛以下野國國司等正統未納并雜
官物中有犯然獨禁前介外從五位下弓削宿
祢薩摩不預釐務亦赦後斷罪此陳巧弁其理
不安既乖公平宜解見任用懲將來又比年法
吏但守文句不顧義理任意決斷由是薩摩訥
狀不得披心清白吏道豈合如此自今以後不

得_レ更_ニ然_ラ若_シ有_レ此_ノ類_ヲ隨_フ法_科罪_○巳_亥左京人散
位從八位上粟田臣弟麻呂少初位上粟田臣
種麻呂正七位上粟田臣平奈美麻呂三人賜
姓_朝臣_○庚子紀伊國那賀郡大領外正六位
上日置毗登弟弓稻一萬束獻於當國國分寺
授外從五位下土左國安藝郡少領外從六位
下凡直伊賀麻呂稻二萬束牛六十頭獻於西
大寺授外從五位上_○秋七月庚戌以從五位

下大原連家主_{十カノ}為主稅頭但馬負外介如故從
五位下大伴宿祢繁足從五位下當麻真人求
繼並爲刑部大判事從五位下石川朝臣真守
爲右京亮少納言從五位下當麻王爲兼信濃
介從五位下林連雜物爲上野介外從五位下
道嶋宿祢三山爲陸奥少掾外從五位下坂合
部宿祢斐太麻呂爲筑後守主殿頭從五位下
美和真人土生爲兼豐後介_○壬子復無位忌

部宿祢烏麻呂本位從五位上○丁巳從五位
下弓削御淨朝臣秋麻呂為左少辨從五位下
楫嶋王從五位下石上朝臣真足並為太監物
從五位下文室真人真老為內藏助從五位下
賀茂朝臣大川為內匠助是日始置內豎省以
正三位弓削御淨朝臣淨人為卿中納言衛門
督上總守如故從四位上藤原朝臣是公為太
輔左衛士督下總守如故從五位下藤原朝臣

雄依為少輔右衛士督如故從五位下田口朝
臣安麻呂為大丞太丞二員少丞二員太録一
員少録三員正五位下豐野真人尾張為能登
守備前守正五位下石川朝臣名足為兼陸奥
鎮守副將軍初近衛從八位下物部磯浪寶字
八年仲滿奪鈴印時疾走告急至是授外從五
位下○癸亥以從五位上息長丹生真人大國
為播磨負外介○丙寅以正五位上右少辨造

西大寺次官大伴宿祢伯麻呂爲兼駿河守陸
奧國宇多郡人外正六位上勳十等吉祢侯部
石麻呂賜姓上毛野陸奧公○辛未河內國志
紀郡人正六位上山川造魚足等九人賜姓山
川連同國同郡人從六位上依羅造五百世麻
呂丹比郡人從六位下依羅造里上等十人
依羅連○癸酉授從八位下船木直馬養外從
五位下以獻物也○八月辛巳筑前國宗形郡

大領外從六位下宗形朝臣深津授外從五位
下其妻無位竹生王從五位下並以被僧壽應
誘造金埒船瀬也○乙酉參河國言慶雲見屈
僧六百口於西宮寢殿設齋以慶雲見也是日
謠侶進退無復法門之趣拍手歡喜一同俗人
○戊子外從五位下健部朝臣人上爲主計助
從五位上榎井朝臣子祖爲兵部大輔從五位
下多治比真人長野爲刑部大判事外從五位

下葛井連河守爲伊賀守從五位上佐伯宿祢
真守爲常陸介從五位下石川朝臣名繼爲越
前介從五位下大伴宿祢潔足爲因幡介從五
位下弓削宿祢大成爲掾從五位下佐伯宿祢
久良麻呂爲豐後守○癸巳改元神護景雲
詔曰日本國余坐天大八列國照給比治給布
倭根子ヤマト天皇スメラ我我御命ヲホミコト良麻良麻勅布御命乎衆諸
聞食キコシ止止宣今年コトシ乃六月十六日申時仁東南之

角余當多天甚奇又異余麗岐雲七色相交天立
登ノボリ天在此乎朕自毛見行之又侍諸人等毛共
見天恠アヒ備喜備都都在間仁伊勢國守從五位
下阿倍朝臣東人等我奏又六月十七日余度
會郡ラヒ乃等由氣ユケ乃宮乃上仁當天天五色瑞雲起
覆フホヒ天在依此天彼形乎書寫以進止奏利復陰
陽寮毛七月十日余西北角仁美異雲立天在
同月二十三日仁東南角仁有雲本朱末黃稠

具五色止奏利如是久奇異雲乃顯在流所由乎

令勘式部省等我奏久瑞書尔細勘尔是即

景雲尔在實令太瑞止奏世利然朕念行久如

是久大仁貴久奇異尔在太瑞波聖皇之御

世尔至德尔感天天地乃示現之賜物止奈毛

常毛聞行須是豈敢朕德伊天地乃御心乎令

感動末都流倍事波無止奈念行須然此方大鄉

神宮上尔示顯給故尚是方大神乃慈備示給

幣物奈犁又掛毛畏岐御世御世乃先乃皇我

御靈乃助給比慈給幣流物奈犁復去正月尔

二十七日之間諸大寺乃大法師等乎奉請良倍

最勝主經乎令請讚未都又吉祥夫乃悔過乎

令仕奉流諸大法師等我如理久勤天坐佐比

又諸臣等乃天下乃政事乎令理天奉仕尔依天

三寶毛諸天毛天地乃神多知共尔示現賜幣

奇久貴伎太瑞乃雲尔在自之止念行須故是

以奇イニ又喜喜之太瑞遠頂不受給天忍天默在去

不得之天諸王知多臣乎多知知召天共尔歡備尊備

天地乃御恩乎奉報倍之止念行止詔布

天皇我御命遠諸聞食止宣然夫天加万物乎

能覆奏賜比慈備愍美賜物仁坐須又大神宮乃

祿宜大物忌内人等余波叙二級但御巫以下

人等叙一級又伊勢國神郡二郡司及諸國祝

部有位無位等賜一級又六位以下及左右京

男女年六十以上賜一級但正六位上重三選

以上者賜上正六位上又孝子順孫義夫孝婦

節婦力由者賜二級表旗其門至于終身田租

免給又五位以上人等賜御平物又天下諸國

今年田租半免又八十以上老人及鰥寡孤獨

不能自存者賜粮又示顯賜弊流瑞乃未年未

号波改賜布是以改天平神護三年為神護景

雲元年止詔布天皇我御命遠諸聞食止宣

又天下有罪大辟罪已下罪無輕重已發覺未
發覺已結正未結正繫因見徒咸赦除之但犯
八虐故殺人私鑄錢強竊二盜常赦所不免者
不在赦限普告天下知朕意焉陰陽負外助從
五位下紀朝臣益麻呂叙正五位下允正六位
上山上朝臣船主從五位下
今檢景雲二年始朝臣此據位記而書之
負外允正六位上日下部連虫麻呂大属百濟
公秋麻呂天文博士國見連今虫咒禁師未使

主望足並外從五位下伊勢守從五位下阿倍
朝臣東人從五位上介正六位下日置造道形
外從五位下大神宮祢宜外從五位下神主首
名外正五位下等由氣宮祢宜外正六位下神
主忍人外從五位下參川守從四位下伊勢朝
臣老人從四位上自正六位上紀朝臣門守從
五位下介外從五位下秦忌寸智麻呂掾民忌
寸總麻呂並外從五位上賜左右大臣綿人七

百五十屯_ニ一位_ニ四百五十屯_ニ三位_ニ三百屯_ニ四位_ニ
百五十屯_ニ五位_ニ六十屯_ニ外位_ニ四十屯_ニ女_モ亦准此_ニ
○甲午志摩國飢賑給之○戊戌近衛少將從
五位上弓削宿祢牛養爲兼越前介從五位下
石川朝臣名繼爲負外介從五位下藤原朝臣
雄依爲備前權守○庚子散位正七位上秦忌
寸真成獻錢二千貫牛十頭授外從五位下○
丙午從四位下佐伯宿祢今毛人爲左大弁造

西大寺長官如故從五位下紀朝臣廣庭阿倍
朝臣小東人並爲勅旨少輔從五位下葛井連
道依爲負外少輔法王宮太進如故外從五位
下健部朝臣人上爲大丞正五位下紀朝臣益
麻呂爲陰陽頭從五位下弓削宿祢薩摩爲助
外從五位下松井連淨山爲内匠助從五位上
布勢臣人主爲式部大輔正五位上百濟王理
伯爲攝津大夫從四位下阿倍朝臣毛人爲造

東大寺次官、宮内卿如故、從四位下伊勢朝臣
老人為造西隆寺、長官中衛中將參川守如故
從五位下若江王外、從五位下秦忌寸智麻呂
並為寫一切經、次官外、從五位下大部直不破
麻呂為下總、負外、介近衛、負外、少將如故、從五
位下弓削御淨朝臣廣方為武藏、負外、介中衛
將監如故、從五位下百濟王武鏡為但馬、介從
五位下賀茂朝臣大川為長門守、外、從五位上

上村主五十公為讚岐、負外、介正五位上淡海
真人三船從五位上大伴宿祢家持為大宰、少
貳散位從四位下栗田朝臣奈勢麻呂卒○九
月戊申朔日、上有五色雲、右大臣從二位吉備
朝臣真備獻對馬嶋墾田三町一段、陸田五町
二段、雜穀二万束、以為嶋儲○己酉幸西大寺
嶋院、授從五位下日置造兼麻呂從五位上○
辛亥從五位下池原公未守為造西隆寺次官

太外記右平準令如故從五位下中臣習宜朝
臣阿曾麻呂爲豐前介○壬子復無位王作金
弓本位外從五位下○己未隼人司隼人百十
六人不論有位無位賜爵一級其正六位上者
叙上正六位上○癸亥日向負外介從四位上
大津連大輔解任其隨身天文陰陽等書沒爲
官書○甲子以從四位上日下部宿祢子麻呂
爲內豎負外大輔從五位下賀茂朝臣田守爲

播磨守○乙丑始造八幡比賣神宮寺其夫者
便役神寺封戶限四年令畢功○己巳河內國
志紀郡人正六位上山口臣犬養等三人賜姓
山口朝臣上總國海上郡人外從五位下檜前
舍人直建麻呂上總宿祢右京人正七位下山
田造吉繼山田連○庚午備前國國造從四位
下上道朝臣正道卒正道者本中衛勝寶九歲
以香橘奈良麻呂密授從四位賜姓朝臣語在

勝寶九歲記中歷美濃播磨備前等國守宮內
大輔右兵衛督○冬十月辛卯勅見陸奥國
所奏即知伊治城作了自始至畢不滿三旬朕
甚嘉焉夫臨危忘生忠勇乃見銜綸遂命功夫
早成非但築城制外誠耳減戎子邊若不哀進
何勸後徒宜加酬賞式慰匪躬其從四位下田
中朝臣多大麻呂授正四位下正五位下石川
朝臣名足大伴宿祢益立正五位上從五位下

上毛野朝臣稻人大野朝臣石木從五位上其
外從五位下道嶋宿祢三山首建斯謀修成築
造今美其功特賜從五位上又外從五位下吉
弥候部真麻呂徇國爭先遂令馴服壯彼如歸
進賜外正五位下自餘諸軍軍毅已上及諸國
軍士蝦夷俘囚等臨事有効應叙位者鎮守將
軍並宜隨勞簡定等第奏聞○癸巳伊豫國宇
摩郡人凡直繼人獻錢百方紵布一百端竹笠

續日本紀卷之六
○廿一
二百蓋縮三方束授外從六位下其父縮積外
從五位下○甲午授無位石上朝臣等能古從
五位上無位久米連君女弓削御淨朝臣美夜
治弓削御淨朝臣等能治大伴宿祢古珠瑠河
並從五位下○庚子御太極殿屈僧六百轉
讀般若經奏唐高麗樂及內教坊踏歌○辛
丑賜四天王寺家人奴婢三十二人爵有差○
壬戌授從五位下吉備朝臣泉從五位上外從

五位下田部宿祢男足從五位下命婦正四位
下吉備朝臣由利正四位上無位吉備朝臣枚
雄從六位上賀茂朝臣萱草並從五位下○十
十月壬寅四天王寺墾田二百五十町在播磨
國飭磨郡去戊申年收班給百姓口田而未入
其代至是以大和山背攝津越中播磨美作等
國兼田及沒官田捨入○乙巳置陸奥國栗原
郡本是伊治城也○甲寅出羽國雄勝城下俘

因四百餘人，疑寒乞，內屬許之。○癸亥，參議從三位治部卿兼左兵衛督大和守山村王薨。池邊雙槻宮御宇。橘豐日天皇，皇子久米王。後也。天平十八年，授從五位下。寶字八年，任少納言，授正五位下。于時高野天皇遣山村王收取宮院鈴印，大師押勝遣兵邀而奪之。山村王密告消息，遂果君命。天皇嘉之，授從三位。慶時年四十六。○丙寅，私鑄錢。人王清麻呂等四

十人賜姓，鑄錢部流出羽國。○十二月庚辰，收在阿波國王臣功由位由，班給百姓口分。由其土少，田也。○壬午，武藏國足立郡人外從五位下大部直不破麻呂等六人賜姓，武藏宿祢。○甲申，外從五位下武藏宿祢不破麻呂為武藏國司造，正四位上道嶋宿祢嶋足為陸奧國大國造，從五位上道嶋宿祢三山為國造。○乙酉，從五位上菅生王為少納言，從五位下石川

朝臣清麻呂爲負外少納言從五位上石川朝臣豐人爲刑部少輔從五位下藤原朝臣弟繩爲大判事正五位上縣犬養宿禰古麻呂爲宮內大輔從五位下大宅王爲主油正從五位下參治比真人長野爲造東內次官從五位上阿倍朝臣三縣爲田原鑄錢長官刑部大輔如故○丁亥伊勢國飯高郡人漢人部乙理等三人賜姓民忌寸○壬辰美濃國比年元早五穀

稔除百姓所負租稅○壬寅授外從七位上支部造廣庭外從五位下以貢獻也

續日本紀卷第二十八 終

